

Տ Ա Ղ

Ի Ծ Ն Ո Ւ Ն Դ Ն Ք Ր Ի Ս Տ Ո Ս Ի

Ամենագութ Հայրն անեղ ընկալաւ զուխտ մերոց սըրտից.
Եթե՛րաճեմ՝ արփից կաճառք զԱրդարն յերկիր ցողեն այսօր.
Կոյսն անբիժ և անարատ զազանցն 'ի լոյս եհան փըրկիչ.

Վերնոյ ծնողին
Աստուածորդին
Զգենու մարմին
Մեր մարդկային.

Ի հեշտալուր երգոց դաշնակս երամբ զուարթնոց արփիափայլ,
Տան աւետիս երկրածընաց ըզմեծ խորհուրդս անճառահրաշ.
Համախըմբեալ, աղէ և մեր անդէորդաց զուգորդ դասուն՝

Առցուք շուրջ պար
Զմըսրով խոնարհ.
Ուր կայ դադար
Մանկիկն անճառ.

Ո՛վ անըստուեր լոյս Դու Յիսուս, լուսոյ ծնունդ անեղական,
Որ նախ յառաջ քան զարև մեզ ծագեցար լուսաճաճանչ,
Անմահ Աստուածդ յԱստուծոյ, նոյն և տէրանց ամենատէր.

Քում մըշտընջեան
Ի ծնունդ արփեան.
Յար և նըման
Հօրդ յէութեան.

Արքայդ հըզօր վերնաճեմ, իշխան զօրաց երկնաւորաց,
Է՛ր սիրոյդ ծայրալիք ածել ըզՔեզ յաշխարհ ստորին.
Ի գահոյից իջեալ վերնոց դաս այց առնել մահկանացուաց.

Դու կանգնեցեր
Ըզմարդն 'ի վեր,
Ըզմարմին մեր
Առեալ առ սէր.

Որ բազմամեղըս պարտական էի յոլով սակս յանցուածոց՝
Յամենեցունց Դու Գառնդ անմեղ զերծուցանես զանձն իմ ազատ.
Կաս մընաս ընդ օրինօք զոր ես կամաւ անգոսնեցի.

Տուողդ ազգաց
Վեհ օրինաց
Յողբ և 'ի լաց
Կաս վըշտակեաց.

Ում լուսանմամբ երկնից խորանք արքունական են ապարանք,
Յասպաստանի գալ իջանել ոչ անարժան իւր համարի.
Որ գաւազան արքունական թագաւորաց շնորհէ 'ի ձեռս.

Առնու յանձին
Կերպ ծառային
Որով զգետնին
Փըքանք վիսին:

Ոչ թէ միայն զնրմանութիւն մերոյ մարմնոյ բերես 'ի Գեղ,
Այլ և տաս յամենայնի մեզ օրինակ նախանձելի.
Կարեկից ապիկարաց, մահկանացուաց տիպ մահացու

Եւ սյապիսեօք
Ձըգեալ ըզմեօք
Պարաւանդեօք
Ածես յողոք:

Անխրտի խառնեալ 'ի խումբ ախտաժէտաց ցաւազնելոց'
Մինչ մարմնոյդ անախտակիր բիծ խօթութեան հըպել չիշխեաց,
Վասն մերոց յանցանաց բազմադիմի տարար վըլտաց.

Անգէտ համայն
Եւ յանցութեան.
Սովաւ միայն
Մեզ աննրման.

Արբայդ հըզօր, Հայր գերարուն, յաւերժակաց ամենազօր
Որ առաքել հաճեցար զՈրդիդ անմահ յազգ մարդկային'
Չանըսպառ շնորհաց աղբիւրն և ըզպատճառ մեր փրկութեան'

Տուր մեզ Յիսուս,
Գիտել ըզլոյս
Յորում է յոյս
Մերոյ հոգւոյս:

Ում կիզանուտ և երկնահոս աստուածափառ բոց հըրատի
Սէր անէջ և ըզգաստ 'ի հողածնացս ազգէ 'ի սիրտ'
Հոգիդ յաւերժ, Հուր արփենի, ծորան հեղիկ բարեաց անճառ.

Սիրել տուր զայն
Յիսուս արքայն,
Որ զտիպ մարդկան
Էառ յինքեան:

Տէր Յովհաննէս Մխաչման.